

Cyfarwyddwr Cyffredinol Iechyd a Gwasanaethau Cymdeithasol/
Prif Weithredwr GIG Cymru
Grŵp Iechyd a Gwasanaethau Cymdeithasol

Director General Health and Social Services/
NHS Wales Chief Executive
Health and Social Services Group



Llywodraeth Cymru
Welsh Government

Nick Ramsay AS
Cadeirydd Y Pwyllgor Cyfrifon Cyhoeddus
Senedd Cymru
Bae Caerdydd
Caerdydd
CF99 1NA

28 Awst 2020

Annwyl Mr Ramsay

Rheoli Meddyginiaethau

Yn dilyn gohebiaeth gan Glerc y Pwyllgor, dyddiedig 7 Mai, mae'r llythyr hwn yn rhoi'r wybodaeth ddiweddaraf y gofynnodd y Pwyllgor Cyfrifon Cyhoeddus amdani mewn perthynas â'r argymhellion yn ei adroddiad ar Reoli Meddyginiaethau.

Yn fy ymateb i'r Pwyllgor ar 10 Chwefror, dywedais fod mentrau i wella rhagnodi amlroddadwy a lleihau gwastraff wedi cael sylw yn ein hymatebion blaenorol i argymhellion 2 a 12 yn adroddiad y Pwyllgor. Mae Canolfan Therapiwteg a Thocsicoleg Cymru Gyfan (AWTTC) wedi darparu canllawiau ar bresgripsiynu amlroddadwy ac rwy'n disgwyl i fyrddau iechyd fod yn gweithredu'r canllawiau hynny. Yn ogystal, yng ngoleuni ffyrdd newydd o weithio a achoswyd gan COVID-19 rydym wedi cyhoeddi canllawiau ychwanegol i'r maes gofal sylfaenol ar [reoli presgripsiynau amlroddadwy](#) yn effeithiol, law yn llaw â [gwybodaeth ategol i gleifion a'r cyhoedd](#).

Fel y dywedais yn fy llythyr dyddiedig 10 Chwefror, roedd Hysbysiad Diogelwch Cleifion (PSN)030 yn destun adolygiad yn 2018. Daeth yr adolygiad i'r casgliad bod y safonau ar gyfer storio meddyginiaethau a nodir yn yr hysbysiad yn parhau i fodoli. Mae canllawiau proffesiynol y Gymdeithas Fferyllol Frenhinol ar drin meddyginiaethau'n saff ac yn ddiogel, a gyhoeddwyd hefyd yn 2018, yn rhoi cyngor pellach ar storio meddyginiaethau'n ddiogel ac rwyf yn disgwyl i sefydliadau'r GIG eu gweithredu. Cyn COVID-19, roedd gwaith wedi bod yn mynd rhagddo i ddatblygu asesiad risg safonol i helpu sefydliadau'r GIG i nodi'r blaenoriaethau pennaf o ran gwella'r dulliau o storio meddyginiaethau. Cwblhawyd profion terfynol ar yr asesiad risg ddiwedd 2019 a pe na bai COVID-19 wedi dod ar draws hynny byddai'r PSN diwygiedig wedi'i gyhoeddi yn y gwanwyn. Rydym nawr yn paratoi ar gyfer cyhoeddi'r PSN diwygiedig cyn diwedd y flwyddyn a byddaf yn sicrhau bod copi'n cael ei anfon at y pwyllgor pan gyhoeddir ef.

Yn gywir

A handwritten signature in black ink, appearing to read 'Andrew Goodall', written in a cursive style.

Dr Andrew Goodall

cc: Andrew Evans, Prif Swyddog Fferyllol, Llywodraeth Cymru
Blwch post CGU
Blwch post y Cabinet